

# Menzies-MS Sei Kombate Tuberkulosa Iha TL



Xefi programa Menzies iha Timor Leste, Joshua Francis

DILI Post – Organizaçãun Menzies servisu hamutuk ho Ministeriu Saude (MS) sei kombate tuberkuloza iha Timor Leste (TL).

Tuir Xefi programa Menzies iha Timor Leste, Joshua Francis informa organizaçãun Menzies iha progresu boot Servisu hamutuk ho MS kombate moras infeksiosa tuberkulose.

"Ami halo lansamentu sosializaçãun kona ba estudu peskiza previlensia nasional ba moras tuberkulose iha Timor Leste," dehan Joshua ba jornalista, iha sede suku Bairo-Pite Dili, Segunda (22/08).

Nia esprika Menzies servisu hamutuk ho MS atu halao treinamentu ba maluk sira ne'ebe servisu iha laboratoriu no saude publiku, privadu sira, tanba moras tuberkulose afeta ona ema barak nian saude iha TL.

Ho nune'e MS ho komitmentu servisu hamutuk ho Menzies atu kombate moras infeksiosa tuberkulosa.

Fatin hanesan representante Diretor Nasional Saude publiku iha MS, Frederico Bosco hateten sira hahu'atividade lansamentu ba peskiza Moras Tuberkulose (TBC) ne'ebe sei halo iha tinan ida ne'e.

"La'os de'it ba Munisipiu Dili, maibe sei hala'o iha territoriu Timor laran tomak ne'ebe maka ohin loka iha Suku Bairo-pite, Postu administrativu Dom Aleixo Munisipiu Dili," haktuir Frederico.

Nia hatutan, peskiza ne'e sei hala'o ba ema kuaze 20.000 ital mak sei involve iha peskiza ida ne'e, hodi buka para identifika karik sira iha sintomas balun kona-ba moras TBC, husi Peskiza ida ne'e, sei foti imagen ho

numeru ba MS katak previlemsia Moras TBC ne'e oinsá.

Tanba, tuir nia tinan barak uza estimasaun, entaun to'o ona tempu para halo peskiza para fo ona data ezata katak previlemsia numeru TBC iha TL.

Ne'e duni, nia agradece ba Menzies ba buat sira ne'e hotu tanba kolabora ho Menzies, no hetan fundus husi Governu Austrália.

"Durante ne'e ita iha persiza kiik oan sira, maibe la'os jeneralidade, no ida ne'e maka premeira vez ita halo persiza kona-ba moras TBC iha ita nia rain. Peskia ida ne'e hetan Orsamentu husi governu Austrália no mos hetan apoiu ekipamentus instituisaun Internasionál hanesan Organizaçãun Mundiál Saude," tenik Frederico.

Tan ne'e, nia dehan

peskiza ida ne'e ho ninia durasaun tempu tinan ida, ne'ebe hahu' ohin loka ona liu husi lansamentu no Sosializaçãun ba oin sei halo persiza ba moras TBC iha Munisipiu Dili, no sei kontinua ba Munisipiu hotu-hotu iha Timor laran tomak.

Nia mos relata tan dezde tinan kotuk, governu ne'ebe lideradu Primeiru Ministru, Taur Matan Ruak lansa ona komitmentu nasional ida para to'o tinan 2025 bele elemina Moras TBC iha TL.

"Meus ne'ebe maka ita uza husi parte Ministeriu Saude nian hodi halo iha Peskiza ida ne'e maka oinsá atu hatene numeru husi ema na'in hira maka sai ona ita nia album, ne'ebe maka hetan ona moras TBC, para depois ita bele halo servisu hodi bele atinji tarjeitu ne'ebe maka iha ona," haktou nia. (Zhe/Che).

## Selebra Loron Konsulta Populár Ho BG La Edukativu

DILI Post - Repzenta povu iha Parlemtu Nasionál (PN) konsidera Governu realiza feira ba loron Nasional konsulta populár 30 de Agostu ho atividade Bola Guling (BG) la edukativu.

Lamentasois ne'e Membru Komisaun Permanente Deputadu Francisco David hato'o tanba desizaun governu liu husi Ministeriu Ministeriu Turizmu Komersiu no Industria (MTCI) loka feria ba publiku liu husi atividade sira hanesan BG.

"Triste tebes ho desizaun ne'e tanba pais ida ne'ebe foin maka tinan 20, Governu halao feira ba Komemora loron nasional konsulta populár ho atividade jogu Bola Guling ne'e la edukativu," afirma Deputadu Francisco ba Jornalista iha PN, Segunda horseik.

Reprezentante povu ne'e dehan inves feira ne'e hatudu filmajen husi herois da patria sira ne'ebe terus na'in sira hasoru durante luta ba libertasaun nasaun no mos konta historia pasadu ne'e ba sira. Maibe ho atividade feira BG ne'e rasik hare la edukativu.

Tuir nia, MTCI implemen-

ta ida ne'e hare katak bele implika ba jerasaun foun ida ne'ebe maka to'o agora mete jogos de'it.

"Husi ha'u nia hare di'ak liu maka loka feira ho espozisaun maka hanesan konta historia herois da patria sira, nu'udar Edukasaun ida ba nia nia jerasaun foun hodi hametin esperitu patriotizmu nasionalizmu ne'e, ida ne'e maka los," isplika Francisco.

Nia haktuir uluk tempu Indonezia nian, kuandu komemora loron nasional ne'e ho atividade edukativu, ne'ebe lolos ne'e governu loka feira halo atividade sira hanesan Kadi Kakutak (Cerdas Cermat), para loka kuñesementu no buka tuir labarik sira nia kapasidade, mais agora laha halao fali ho akividade BG

"Ita nian kuandu atu komemora loron boot ruma maka bola guling deit, ne'e tansa...? iha interese balun iha kotuk, hodi propriu ema balun fo autorizasaun hodi simu buat ruma husi ema sira ne'ebe loka jogus ne'e," lamenta deputadu ne'e. (Che)



## Alemanha Apoiu Loriku Fo Treinamentu Jeneru

DILI Post- Governu Alemanha servisu hamutuk ho Organizaçãun Non Governamentais GIZ husi Alemanha, liu husi Rádiu Komunitade Loriku lian, fo treinamentu konaba kontrolasaun hirus no sensibilizaçãun prevensaun violensia bazeia ba jeneru ba estudante no joven nain 15.

Reprezentante Asiasaun Rádiu komunitade Timor-Leste (ARKTL), Antonio Martins dos Santos hatete, treinamentu ida ne'e iha kooperasaun husi Alemanha liu husi GIZ, servisu hamutuk ho Arkatel no mos ho radiu komunitade, hanesan Rádiu Komunitade Lopalos, Rádiu Lian Matebian Baukau, Rádiu Povu Vikeke no

mos ho Rádiu Komunitade Loriku Lian.

"Dala barak ita haree katak jeneru nee kada vez violasaun sira nee mosu oin-oin deit, entaun ho ida nee mak Governu Alemanha servisu hamutuk ho Arkatel no mos radiu komunitade sira, atu nune'e ita bele previene hahalok sira nee, liu-liu oinsa meus neebe mak diak tenki liu husi ita nia rona nain sira," dehan nia ba jornalista sira iha Edifisiu Rádiu Komunitade Loriku lian, Farol, Dili, Segunda, (22/08/2022).

Antonio dehan, kada estasaun radio mos iha formasaun ba rona nain sira no mos ho estudante sira, hodi nune'e sira hakarak atu

habelar informasaun nee ba too familia, komunitade no sosiedade, liu-liu ba prevensaun violensia hasoru fetu no labarik fetu

Iha fatin hanesan Estudante husi Eskola kolegiu Sao Paulo VI, Nivania Rakela Da Silva Da Conceicao hatete, apresia kona-ba formasaun ida nee ho diak, tanba liu husi formasaun ida nee bele motiva no kontrola oinsa kona ba violensia hasoru fetu.

"Tanba ne'e ho formasaun ida nee importante tebes ba igualdade jeneru, tanba bele fo hanoin ba Ita hotu atu Ita respeita malu, konsidera malu nomos kontrola Ita nia hahalok", nia haktou(zHe)

## Aleixo Triste Ahi Han Nia Uma

DILI Post- komunitade Caicasaiko Aleixo da C. Marques tristi tanba uma ne'ebe nia hela ahi han mutuk. Akontesementu ne'e iha suku Acumano Aldeia Caicasaiko Postu Likisa foin lalais ne'e rejulta uma ida inklui mos sasan uma laran la aproveita.

Tuir uma nain Aleixo da C. Marques haktuir ba dili Post katak iha kalan tuku 9 ho balun nia sunu hela lalin iha oltorio no tuku 10 nia aman huu mate tia lalin ne'e no nia komesa lao ba vizinu sira derepent deit hateke mai uma ahi komesa lakan bo'ot ona, no halai mai mos sasan uma laran ahi han hotu tia ona.


"Hau sente triste tebes bainhira ami familia hasoru dezastre ida ne'e, tanba komesa uluk ami sei ki'ik



too ami idak-idak forma hotu ona familia mak foin akontese, ne'ebe hanesan nain ba uma simples ida ne'e sente lokon tebes esperansa bo'ot ida," informa Aleixo liu husi via telefoni foin lalais ne'e.

Nia hatutan ho akontesementu ne'e autoridade lokal suku hanesan delegadu no delegada sira ba halo survei direita iha area akontesementu ne'e, sira mos foti ona

dadus balun hodi ba hatoo iha Minitieriu solidariedade Sosial hodi hatan kestaun ne'e. "Hau nia esperansa iha tempu badak nian laran Minitieriu solidariedade Sosial bele fo netik apoiu emerjensia ba preokupasaun hirak ne'e, tanba iha akontesementu ne'e autoridade lokal sira mos tun direita hodi survei iha fatin akontesementu," haktou Aleixo. (Merjho)


  
**PRESIDÊNCIA DA REPÚBLICA**  
**CASA CIVIL**  
**DIRESAUN JERAL ADMINISTRASAUN**

---

**ANUNSIU**  
**KANSELAMENTU**

Prezidénsia Repúblika liuhusi Diresaun Jerál Administrasaun – Departamentu aprovizionamentu, hakarak informa ba Públiku katak projetu ho nú RFQ. 46/Aprov/PR/VII/2022 konaba **Kriasaun Website** kansela tamba iha failansu tékniku

Maka ne'e deit informasaun ba kanselamentu, ba atensaun no servisu hamutuk hatu, o obrigadu.

Palásiu-18 Agostu 2022  
  
**Domingos R. Dos Santos C. Amaral**  
 Diretór Jerál